

**Najib Hadiri Majlis Perkahwinan Anak Ketua Setiausaha Sulitnya**  
**Bernama**  
**27 Mei, 2012**

KUALA LUMPUR, 27 Mei (Bernama) -- Perdana Menteri Datuk Seri Najib Tun Razak hadir meraikan majlis perkahwinan anak perempuan Ketua Setiausaha Sulitnya, Datuk Seri Ab Aziz Kasim di Pusat Konvensyen Sime Darby, di Bukit Kiara, di sini Sabtu malam.

Ketibaan Najib disambut oleh Ab Aziz dan isteri Datin Seri Noor Aziah Daud serta anggota keluarga.

Sebaik tiba, Najib dijemput untuk menepung tawar pasangan pengantin bertuah, Nur Najlaa dan Syrrunnaja Adnan yang segar dengan persalinan berwarna ungu, sesuai dengan tema majlis.

Perdana Menteri meluangkan masa kira-kira setengah jam beramah mesra serta menjamah hidangan bersama pengantin dan ahli keluarga mereka sambil dihiburkan dengan persembahan nyanyian oleh Datuk DJ Dave.

Majlis yang dihadiri oleh lebih 1,000 tetamu termasuk Yang Dipertua Negeri Melaka Tun Mohd Khalil Yaakob, Menteri Besar Perak Datuk Seri Dr Zambry Abdul Kadir, Menteri Besar Pahang Datuk Seri Adnan Yaakob dan beberapa menteri Kabinet.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=668915>